



Star

(ASP600—26.05.2012)

Wenn i scho amol doda bio,
so will i halt ou biechta,
dass i a klä an Vogel hio,
alls seit, am Schuss an liechta.

As brucht 's, dass d' Weolt 's amol arfahr,
i bio was Bsundrigs, bio an Star.
Seolb woäß i däs jo sowieso,
blös blüb i gern inkognito.

Zum Glück, dass so an Star i bio,
wo Staralüra muoß nid hio.
Dorzuo bio-n-i nid bsunders gschied,
wio d' Staro-n-i nid drundert lid.

I bruch kuon Superstar abgio,
mir langat, dass an Star i bio.

An Fänclub ischt für mi entberlä,
as git blös uon Fän, wo 's muont ehrlä.
I bio an Star blös für dahuom.
I bio min Fän und Star i uom.

Mior seolb ischt mina Vogel gli,
i wetit gär nid anderscht si.

Woäß zwor nid, ob i standhaft blüb,
wenn eopar mir Milliona güb.

(ASP600—26.05.2012)

Do I-Ku (IQ)

(ASP601—28.05.2012)

Min i-Ku übr-om Durschnitt lit,
womit as jedon Zweito git,
wo minon I-Ku zmiondscht verfehlt.
Gnau deon ma i d' Regierung wählt.

Verfassungsgmäß seit ma zu däm
wo wählt sogär do Suwerän.
Verfassgsgmäß heand über Land
drom nid die Gschiedscht i der Hand.

Ou schlüßo kascht sogär us däm,
bischt nid dar Gschidscht, würscht Suwerän.

Vom Suwerän do I-Ku lit
dormit am undoro Limit.
Do I-Ku also drundert lit,
dass ma bin Wahla d' Stimm abgit.

Drom d' Stimm i 's nöscht mol seolber b'halt;
i will nid blöder si mit Gwalt.

(ASP601—28.05.2012)

Was blibt

(ASP602—08.07.2012)

Was g' hört vo-n-allem di;
As ischt dir alls blös g'liocho.

Weom würd as schlioßlä si,
ischt dinä Zit verstricho ?

Weon 's Züg nid röschta lot,
wer dra sä klammrat schützlä,
Wenn 's er heat ommä, stoht
im Grundbuoch blös mit Krüzlä.

Was - ohne ma 's verschribt -
vo uom arhalto blibt,
druf kascht uf all Fäll go,
ischt, was ma Guots heat to.

Wenn also vor as z' spät ischt
a guots Werk, wio gseit, tätischt
an Litar zwio spendiertischt,
wio gseit, denn profitiertischt.

(ASP602—08.07.2012)

Zuogrieſo

(ASP603—09.09.2012)

Viel liechter gär all tätischt,
wenn d' zuogriefſcht, vor as z' spät ischt.

(ASP603—09.09.2012)



(ASP604—21.11.2012)

Ma hört vo-n Lüto all meh d' Klag,
dass alls wör türor, Tag für Tag.
Wil lang nid mithalt 's Luo-Niwo,
ischt Spära-n-a'gseit: aber wo ?

I hio für 's Erscht mior überleit,
wo foch i glei zum spära-n-a,
hio mior uf all Fäll amol gseit,
uf was i NID verzichta ka.

I hio mior ernschhaft ou scho dänkt,,
ob i bim Eosso spära künnt;
wenn ma do Brotkorb höher hänkt,
bio -n- i fascht siocher, däs bringt nünt.

Ou bio derwil i döt druf ko,
nünt bringt as, 's Auto stoh zum lo;
der Karro, weon as intressiort,
ischt eh scho lang amortisiort

D' Heizung wär an grossa Poschto,
wo ma spära künntit Koschto;
döt spära tät ma direkt g'schpüro,
ma kriogtit d' Struchat und muüßt fröhro.
A Struchat, aber, ischt das miondscht,
meh nid, dur 's Heizo-Spära gwionnscht.

Bi-n Feotzo spära, däs zwor güng,
wenn ma in Kouf do Vorwuorf nühm,

dass ma uom süch vo witom a,
dass ma sä nünt mä leischto ka.

‘S ganz Spära macht blös dänn a Fröüd,
wenn nid alls miorkt, dass ‘s Geold uos röüt.
Wenn d‘ Lüt dir seohand ‘s Knausra-n-a,
verlürscht d‘ Fröüd ou am Spära dra.

Do falscho Spärar-Asatz hettischt,
wenn d‘ a dir seolber spära wettischt.
‘S ganz Spära ischt, i fiondt, blös guot,
wenn ‘s diosa, statt ma ‘s seolber tuot.

(ASP604—21.11.2012)



12.11.2012

‘S Leobo-n-ischt wio ‘s Lotto-Gschpiel,
der wo nid gwionnt, verlürt.
Gwionno-n-aber tuond nid viel;
‘s Leobo tuot, dass ma däs gschpürt.

S Leobo-n-ischt wio ‘s Wüorfelgschpiel,
do Zuofall füort Reschie,
arwertascht vo-n-om nid gär z’ viel,
Ka-n-as blös besser si.

Im Leobo, wio bim Botscha-Gschpiel,
vor allem goht ‘s om d’ Ehr;
dio zellt bi-n Meischta ehndor z’ viel:
wär ’s iohna blös a Lehr.

‘S Leobo-n-ischt kuo Kionder-Gschpiel,
wenn d’ nid bioscht voll dorbei,
wenn d’ blöterlascht, wüort drus nid viel,
as ischt vor d’ dänkscht vorbei.



Do Gsang heat vielarlei Faseta.

Ar heat sogär an tüfro Sio.

Ma söt iohn als Kulturguot retta;

Ganz glingo würd as aber nio !

An Wissenschaftler tüftlat dra
wio ohne Stimm ma singo ka.

Behauptat fescht, dass däs nid gang,
obwohl do Hansi tout' s scho lang.

An Medizinar ischt druf ko,
dass 's Singo wio Betäubung wirkt.

Heat nünönüzungä singo lo,
wo kuona, dass ar falsch singt, miorkt.

An Lehrar bringt do Buobo bei
wio wichtig für ios 's Singo sei.

A paar zwor scho iohm gloubo wetind,
wenn sie blös nid gad Stimmbruch hettind.

An Staatsanwalt wetit do Tätar
zum zuogio, dass ar 's gsi ischt bringo.

Ar woasst, Komplizo, etlä, hät ar,
wo hindrand iohn konkret am Singo.

Do Totogrebar domit wirbt,
ar laß uom singo, wenn ma stiorbt,

däs g'hör zu sinem Angebot;
vorusgsetzt sei, ma sei erscht tot.

Schlioßlä blüb no zum arwähne,
seochzg Prozent vo-n-allä Mäno
singend usnahmslos im Bad;
bi viela ischt om' s Bad as schad.

Du kascht nid ar Statistik troua,
wo seit, dass schüoner singend d' Froua.
O Jomer - Froua - o Malör !
d' Statistik irrt - bim Musig-Ghör.

Wenn jede wio d' Netrebko süng
und jeda wio Domingo,
kuo Sau mä i-n-a Oper güng:
d' Kultur wär g'retat - Bingo !

Do Gsang heat vielarlei Faseta.
Ar heat - wio gseit - an tüfro Sio.
Ma söt iohn als Kulturguo retta.
Blös gnau ka niomig säga wio !



(Sonnet)

A Hirn händ d' Mä as wio an Spatz.
Meh Hirn wär ohnehio für d' Katz.
Sie bruchond 's Hirn usschliösslä weagot
der Suoch vom optimalo Schatz
dernoch heat 's Hirn e nünt mä z' sägot.

(ASP607 – 04.12.2012)



Im tüfo Keollar siond mior gsi,
Mior heand probiert die beschto Wi.

Wo mior siond wieder uffar ko,
do Keor, der rüf, heat d' Wirkung to.

I bio uf alle Fäll afango
uf alla viera huwärts gango,
hio so nid künno ußä trola.

Söll doch deon Keor do Teifel hola,
hio-n-i zum säga no probiort.
vor mina Griond ischt explodiert.

Do Keor ischt zwor blös d' Usred, muon-ä;
a Schuld trioft iohn, bigotschlat, kuonnä.

I lo hüt über iohn nünt go:
ka hüt jo wieder ufreocht stoh.

An Ma, a Viech

(ASP609—21.12.2012)



I hio vo mängom Viech a klä,
hio däs, wio 's händ, fascht alle Mä.

Bi eopas Mano kascht 's Mensch striecho,
mit Viecher lond sie sä vergliecho.

Ou i hio Züg, wo d' Viecher händ,
wo andre nid reocht zuogio wänd.

I bild nid wenig mior druf i,
as wio-n-a Ülo gschied zum si.

Bio zwor wio d' Esel dummm a Spur
dozuo wie d Esel mämol stur.

Bio tröü wio 's Hündlä, folksam drom,
wer minä Frou kennt, woafßt warom.

I bio wio d' Katza, schüch und häl;
blös weom i häl tuor, seolb i wähl.

I bio wio d' Gägoschto dem Gold,
vor allem dem Gschtibitztem, hold.

I bi wio 's Füxlä schlau und freoch,
wer mior in Weog kut, heat halt Peoch.

As wio an Pfau, so stolz i bio,
wil 's schüo si g'iorbt i eobo hio.

I bio so stark as wio an Löü,
dass 's Gwürm Respeckt heat, ischt nid nöü.

I bio so wendig wio a Schlango,
bio mänger Fallo scho entgango.

I bio uf Bömmo wio an Oachar
freoch ommar kraxlat scho as Soachar.

I hio spitz Stachla, zum mi wehro,
wio d' Igel, zum 's Volk Mores lehro.

Het i blos menschlico Charakter,
süg eobo mir ma nid "Kalfakter".